



SAOPŠTENJE ZA JAVNOST

Napadač na novinara Mirzu Derviševića pravosnažno osuđen na jedinstvenu kaznu zatvora u trajanju od tri mjeseca

(Brčko, 09.05.2025. godine)

U drugostepenom krivičnom postupku, Apelacioni sud Brčko distrikta BiH pravosnažno je osudio Bojana Radovanovića iz Brčkog na jedinstvenu kaznu zatvora u trajanju od 3 (tri) mjeseca zbog učinjenja krivičnih djela u sticaju na štetu novinara Mirze Derviševića iz Brčkog.

Vijeće Apelacionog suda Brčko distrikta BiH donijelo je presudu kojom se žalba branioca optuženog odbija kao neosnovana, a usvaja se žalba Tužilaštva Brčko distrikta BiH i prvostepena presuda se preinačava na način što sud optuženom za krivično djelo - Laka tjelesna povreda - utvrđuje kaznu zatvora u trajanju od 2 (dva) mjeseca, a za krivično djelo - Ugrožavanje sigurnosti - utvrđuje kaznu zatvora u trajanju od 2 (dva) mjeseca, te optuženog pravosnažno osuđuje na jedinstvenu kaznu zatvora u trajanju od 3 (tri) mjeseca.

Podsjetimo, Tužilaštvo Brčko distrikta BiH u prvostepenom krivičnom postupku dokazalo je krivičnu odgovornost Bojana Radovanovića za fizički napad koji se dogodio dana 12.01.2024.godine u jednom ugostiteljskom objektu u Brčkom na štetu novinara Mirze Derviševića, te Osnovni sud Brčko distrikta BiH je presudom od 06.12.2024. godine nepravosnažno osudio Bojana Radovanovića na jedinstvenu kaznu zatvora u trajanju 45 dana.

U obrazloženju drugostepene presude Vijeće Apelacionog suda Brčko distrikta BiH navodi da je prvostepeni sud pravilno utvrdio olakšavajuće okolnosti, kao i otežavajuće okolnosti, ali da otežavajućim okolnostima nije dao adekvatan značaj prilikom odmjeravanja kazne obzirom na okolnosti koje ukazuje na veći stepen povrede zaštićenog dobra tj. života i tijela oštećenog, te da je krivično djelo optuženi počinio na javnom mjestu, odnosno u ugostiteljskom objektu na koji način je iskazao svoju upornost i manifestovao odlučnost da izvrši krivična djela ne prezajući na prisustvo gostiju u tom objektu.

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ